



**Bryniau Clwyd a
Dyffryn Dyfrdwy**
Clwydian Range
and Dee Valley

Ardal o Harddwch Naturiol Eithriadol
Area of Outstanding Natural Beauty

**CYD-BWYLLGOR
ARDAL O HARDDWCH NATURIOL EITHRIADOL
BRYNIAU CLWYD A DYFFRYN DYFRDWY**

Cynhelir ar: 2 Chwefror 2018

Aelod Arweiniol / Swyddog: Gareth O Williams

Awdur yr Adroddiad: Paula O'Hanlon / Huw Rees

Teitl: Cyllideb ac Alldro'r Cyd-bwyllgor 2017/18

1. Am beth mae'r adroddiad yn sôn?

Mae'r adroddiad yn manylu ar sefyllfa alldro cyllideb refeniw'r Ardal o Harddwch Naturiol Eithriadol (AHNE) ar gyfer 2017/18.

2. Beth yw'r rheswm dros lunio'r adroddiad hwn?

Pwrpas yr adroddiad yw rhoi diweddariad ar sefyllfa ariannol yr AHNE ar gyfer 2017/18.

3. Beth yw'r argymhellion?

Gofyn i'r aelodau nodi'r rhagolwg diweddaraf o'r alldro ariannol ar gyfer 2017/18 (Atodiad 1) a chynnydd o ran y strategaeth y cytunwyd arni ar gyfer y gyllideb.

4. Manylion yr adroddiad.

Mae'r adroddiad hwn yn rhoi crynodeb o gyllideb refeniw'r AHNE ar gyfer 2017/18 fel y manylir yn Atodiad 1. Cyllideb gwariant gros yr AHNE yw £458,600. Mae'r rhagolwg alldro ar hyn o bryd yn dangos gorwariant net o £7,200.

5. Sut mae'n cyfrannu at Flaenoriaethau Cynlluniau Rheoli AHNE Bryniau Clwyd a Dyffryn Dyfrdwy?

Bydd rheoli cyllideb refeniw'r AHNE yn effeithiol yn helpu gyda darparu blaenoriaethau'r cynllun rheoli y cytunwyd arnynt ar gyfer y flwyddyn gyfredol ac yn tanategu'r gweithgarwch ym mhob ardal, yn enwedig ein perthnasau gyda phartneriaid ariannu a'n cyd-flaenoriaethau.

6. Faint fydd y gost a sut y bydd yn effeithio ar wasanaethau eraill?

Nid oes unrhyw gostau uniongyrchol sy'n gysylltiedig â'r adroddiad hwn.

7. Beth yw prif gasgliadau'r Asesiad o Effaith ar Gydraddoldeb a gynhaliwyd ar y penderfyniad? Dylai'r templed AEG wedi'i lenwi gael ei atodi fel atodiad i'r adroddiad.

Amh.

8. Pa ymgynghoriadau sydd wedi'u cyflawni gyda'r Pwyllgor Archwilio ac eraill?

Cyflwynwyd y gyllideb arfaethedig ar gyfer 2017/18 i gyfarfod y Cyd-bwyllgor ym mis Mehefin ac fe'i cymeradwywyd.

9. Datganiad y Prif Swyddog Cyllid

Mae'r adroddiad hwn yn amlinellu'r rhagamcanion ariannol diweddaraf ar gyfer yr AHNE yn 2017/18. Ar hyn o bryd mae gorwariant yn cael ei ragweld ac os yw'r sefyllfa gorwariant yn parhau'r un fath ar ddiwedd y flwyddyn arianno, yna bydd hyn yn cael ei ariannu o gronfa refeniw wrth gefn yr AHNE (y balans agoriadol ar 1 Ebrill 2017 oedd £37,690).

O ran blwyddyn ariannol 2018/19, yr arwyddion cynnar yw nad yw Cyngor Sir Ddinbych yn bwriadu gostwng y lefelau cyllid cyfredol ar gyfer yr AHNE. Fodd bynnag, ni fydd hyn wedi'i gadarnhau tan 30 Ionawr 2018 pan fydd gofyn i'r Cyngor Llawn gymeradwyo ei gyllideb ar gyfer y flwyddyn ariannol newydd yn ffurfiol.

Ar hyn o bryd, rydym hefyd yn aros am gadarnhad gan Sir y Fflint a Wrecsam o ran eu bwriad nhw ar gyfer 2018/19. Rydym hefyd yn disgwyl cadarnhad gan CNC ar y grant ganddyn nhw ar gyfer 2018/19. Er hynny, mae'r cyfnod o galedi yn y sector cyhoeddus yn debygol o barhau ac mae'n rhaid dal i gydnabod y bydd cyllidebau'r holl gyrff cyhoeddus yn parhau i fod dan bwysau cynyddol dros y blynyddoedd nesaf.

10. Pa risgiau sydd ac a oes unrhyw beth y gallwn ei wneud i'w lleihau?

Mae'r gyllideb bresennol yn ddibynnol ar incwm gan CNC a'r tri Awdurdod Lleol. Bydd unrhyw newidiadau i'r lefelau incwm hyn yn peri risg i gyflawni prosiectau yn y dyfodol a'n gallu i gyflawni yn erbyn y blaenoriaethau yn y Cynllun Rheoli AHNE.

11. Pŵer i wneud y Penderfyniad

Dan Adran 151 Deddf Llywodraeth Leol 1972, mae'n ofynnol i awdurdodau lleol wneud trefniadau ar gyfer gweinyddu eu materion ariannol yn briodol.